

**POLITIK
MELAYU
PULAU
PINANG
1945-1957**

84-1735

SIRI KAJIAN SEJARAH SETEMPAT

POLITIK MELAYU PULAU PINANG 1945-1957

Oleh

MD. SALLEH BIN MD. GAUS

DEWAN BAHASA DAN PUSTAKA
KEMENTERIAN PELAJARAN MALAYSIA
KUALA LUMPUR
1984

34088

KK. 391-2861 0101

Hakcipta terpelihara. Tidak dibenarkan mengeluarkan ulang mana-mana bahagian, artikel, ilustrasi, isi kandungan buku ini dalam apa juga bentuk dan dengan apa cara pun sama ada secara elektronik, fotokopi, mekanik, rakaman atau lain-lain sebelum mendapat izin bertulis daripada Ketua Pengarah, Dewan Bahasa dan Pustaka, Kuala Lumpur. Perundingan tertakluk kepada perkiraan royalti atau honorarium.

© Hakcipta Md. Salleh bin Md. Gaus 1984
Cetakan Pertama 1984

11
320-9595477
A3301

Dicetak oleh
Percetakan Dewan Bahasa dan Pustaka
Kuala Lumpur
\$8.00

330445

3 - AUG 1985

Perpustakaan Negara
Malaysia

PENGHARGAAN

Bismillahirrahmannirrahim .

Penulis mengucapkan syukur kepada Allah kerana, dengan limpah rahmat-Nya, penulis telah berjaya menyempurnakan Latihan Ilmiah ini dalam jangka masa yang ditentukan.

Dalam usaha menyempurnakan Latihan Ilmiah ini, penulis terhutang budi kepada mereka yang telah memberi pertolongan yang sangat diperlukan. Penulis mengambil kesempatan ini mengucapkan terima kasih dan penghargaan tinggi kepada Ketua Jabatan Sejarah, Universiti Kebangsaan Malaysia, Datuk Prof. Zainal Abidin bin Abdul Wahid yang telah menyediakan berbagai kemudahan bagi memudahkan penyelidikan Latihan Ilmiah ini, juga selaku penyelia Latihan Ilmiah ini, beliau telah memberi banyak nasihat, panduan dan meneliti dengan tekun rangka pertama Latihan Ilmiah ini.

Ucapan terima kasih dan penghargaan yang tinggi juga dirakamkan kepada Jabatan Sejarah Universiti Kebangsaan Malaysia, Arkib Negara, Perpustakaan Universiti Kebangsaan Malaysia, Perpustakaan Universiti Malaya, Perpustakaan Negeri Pulau Pinang dan juga semua responden yang turut memberikan butir-butir yang sangat berharga untuk Latihan Ilmiah ini.

Akhirnya, terima kasih dan penghargaan tinggi juga ditujukan kepada Cik Noraini binti Husain yang telah bertekun menaip Latihan Ilmiah ini.

Md. Salleh bin Md. Gaus

PENDAHULUAN

Tahun 1945 hingga 1957 merupakan jangka masa yang penting dalam sejarah perkembangan politik orang-orang Melayu di Tanah Melayu. Dalam jangka masa dua belas tahun, Tanah Melayu mengalami beberapa peristiwa politik yang menentukan masa depan orang Melayu. Di antaranya ialah penubuhan Kerajaan *Malayan Union* dan penentangan orang Melayu terhadapnya; penubuhan Kerajaan Persekutuan Tanah Melayu dengan satu perlembagaan yang meletakkan orang Melayu pada kedudukan yang lebih terjamin daripada *Malayan Union*; keadaan Darurat; pelaksanaan institusi Pilihanraya pada peringkat Daerah, Negeri dan Persekutuan; dan usaha-usaha mendapatkan kemerdekaan.

Peristiwa tersebut tidak dapat tidak mempengaruhi perkembangan dan kegiatan politik orang Melayu Pulau Pinang dan Seberang Perai dalam jangka masa yang dikaji itu. Dalam hubungan ini, apakah bentuk dan sifat gerak balas yang ditunjukkan oleh orang-orang Melayu Negeri Pulau Pinang terhadap perkembangan itu? Apakah faktor yang mempengaruhi bentuk dan sifat gerak balas itu? Sejauh manakah keberkesanan gerak balas itu? Persoalan ini merupakan salah satu faktor yang mendorong penulis membuat pengkajian mengenai tajuk Latihan Ilmiah ini.

Satu lagi faktor yang mempengaruhi minat penulis memilih tajuk ini ialah kerana kurangnya bilangan penulisan sejarah mengenai Pulau Pinang dan Seberang Perai khususnya mengenai orang Melayu. Beberapa percubaan telah dibuat untuk menghuraikan perkembangan politik orang Melayu di Tanah Melayu. Penulisan Mohd. Yunus Hamidi, *Sejarah Pergerakan Politik Melayu Semenanjung*, (Pustaka Antara, Kuala Lumpur, 1961) adalah merupakan pengalaman penulis tersebut dalam pergolakan politik